



Sesida dals

Communitgà ils

Protocol nr.

20 d'avust 2019

21 d'avust 2019

587

Incumbensa da la fracziun da la PPS

concernent «Per in bun clima en il Grischun: Deducziun fiscala per vacanzas en Svizra»

Resposta da la regenza

L'incumbensa da la fracziun vul promover vacanzas en Svizra e vul cuntanscher questa finamira cun agid d'ina deducziun fiscala. I sa tractass d'ina deducziun generala.

Il dretg fiscal federal armonisà regla definitivamain il sector da las deducziuns generalas. Uschia enumerescha l'art. 9 al. 2 da la lescha federala davart l'armonisaziun da la taglia directa dals chantuns e da las vischnancas (LATD; CS 642.14) las deducziuns generalas admissiblas, e l'art. 9 al. 4 fixescha explicitamain che autras deducziuns n'èn betg permessas. Ils chantuns na pon pia betg introducir ina deducziun per promover vacanzas en Svizra; ina tala stess en cuntradicziun cun il dretg federal e na dastgass betg vegnir applitgada da l'administraziun da taglia, che ha l'incumbensa d'exequir la lescha da taglia.

Cunter la pretensiun d'ina deducziun fiscala per vacanzas en Svizra pledan dentant er auters motivs. I sa tracta d'ina mesira directiva che duai – per ponderaziuns dal clima – influenzer la tscherna da la destinaziun da vacanzas. La regenza ha adina refusà mesiras directivas en il dretg fiscal, e na vesa nagin motiv da divergiar da quest princip. Pervia da las tariffas progressivas e perquai ch'il minimum d'existenza è liber da taglia, n'è il dretg fiscal betg adattà per cuntanscher in effect directiv. Ils custs da mesiras directivas en il dretg fiscal na vegnissan betg budgetads, betg cumprovads en il quint statal e betg eruids autramain. La mesira na vegniss mai exami-

nada areguard sia efficacitad e probablamain er mai messa en dumonda en in pachet da spargn dal cussegl grond. Plinavant dubitescha la regenza che la deducziun pretendida cuntanschess insumma in effect directiv.

Er la realisaziun pratica pleda cleramain cunter questa deducziun. D'ina vart na sa laschassi strusch chattar ina definiziun per las "dimoras turisticas en Svizra" che correspunda a la constituziun. Stuessan tut las vacanzas durant in onn chalendar vegnir frequentadas en Svizra u mo las vacanzas principalas? Ed èn vacanzas en ina part lontana da la Svizra propi pli ecologicas che vacanzas a l'exteriur vischin? Ina controlla da la deducziun na fiss praticamain betg pussaivla, uschia ch'i pudess resultar in minus d'entradas considerabel.

Sa basond sin questas explicaziuns propona la regenza al cussegl grond da refusar questa incumbensa.



Namens der Regierung
Der Präsident:

Dr. Jon Domenic Parolini

Der Kanzleidirektor:

Daniel Spadin